

Meeqqat atuarfianni tjenestemanditut atorfinnik il.il. amerlassusiliineq pillugu Namminersornerullutik Oqartussat nalunaarutaat

Meeqqat atuarfiat pillugu Inatsisartut peqqussutaanni nr. 1-imi, 6. juni 1997-imeersumi § 23, imm. 2 aamma § 56, imm. 5 tunngavigalugit aalajangersarneqarput:

Kapitali 1.

Atuarfinni amerlassusiliineq pointilersuinerlu

Amerlassusiliineq.

§ 1. Nalunaarummi matumani atorfinnik amerlassusiliinertut pineqartoq tassaavoq atorfiit suussutsimikkut taaneqartut (= atorfiit taaguutaat) amerlassusissaannik aalajangersaaneq.

§ 2. Atorfiit amerlassusissaat naatsorsorneqartassapput ukiut atuarfusut tamaasa sioqqullugit nalunaarutigineqarlutillu Kultureqarnermut, Ilinniartitaanermut Ilageeqarnermullu Pisortaqaqfimmu, tassanngaanniillu taakku pillugit tunaartarisassanik nassitsisoqartassaaq. Atorfiit innuttaasut amerlassusii tunngavigalugit amerlassusilerneqartassagaangata, inuit amerlassusii ukioq taanna 1. januarimi pisortatigoortumik naatsorsorneqarsimasut tunngavigineqartassapput.

§ 3. Namminersornerullutik Oqartussat atuarfiutaanni aamma Kultureqarnermut, Ilinniartitaanermut Ilageeqarnermullu Pisortaqaqfimmi atorfiit amerlassusissaannik pilersaarusiaq Inatsisartut ukiumoortumik aningaasanut inatsisaannut ilanngunneqartassaaq.

Atuarfiit pointilersorneqarneri

§ 4. Atuarfinni tamani klassit amerlassusiat najoqqutaralugu imatut pointilersuisoqartassaaq:

- 1) 1. - 9. klassit: klassimut ataatsimut 1 point
- 2) 10. - 12. klassit: klassimut ataatsimut 1 point imalt. 1,5 pointit
- 3) Klassit immikkut iluarsartuussat: klassimut ataatsimut 2,5 pointit

Imm. 2. Klassinik imm. 1-imi taaneqartunik naatsorsuineq ima pisassaaq:

- 1) 1. - 9. klassit 11-nit amerlanerusunik atuortoqartut klassivittut naatsorsuunneqassapput.
- 2) 10. - 12. klassit klassivittut isigineqassapput atuartut qassiuneri apeqqutaatinngit, kisiannili:
 - a) Klassit 12-it ataallugit atuortoqartut klassimut ataatsimut 1 pointiutillugu naatsor-sorneqassapput.
 - b) Klassit 12-inik amerlanerusunilluunniit atuortoqartut klassimut ataatsimut 1,5 pointiutillugit naatsorsorneqassapput.
- 3) Klassit immikkut iluarsartuussat ikinnerpaamik pingasunik atuortoqartut kisimik klassivittut immikkut iluarsartuussatut isigineqassapput. Klassit immikkut iluarsartuussat pingasunit ikinnerusunik

atuartoqartut klassitut nalinginnaasutut isigineqassapput atuartut qassiuneri apeqqutaatinnagit.
Imm. 3. Klassit atuartullu *imm. 2* malillugu ilanngullugit naatsorsuunneqanngitsut naatsorsuineri ilanngunneqassapput amerlassusilersuinerit tulluuttumiittut malillugit, tassani pointit ataasiakkaat tamarmik klassitut ataatsitut naatsorsuutigineqassapput, atuarfiup klassiisa amerlassusaannik naatsorsuineri:

Atuartut 0 - 12 = 1 point

Atuartut 13 - 25 = 2 pointit

Atuartut 26 - 39 = 3 pointit

Atuartut 40 - 53 = 4 pointit

Atuartut 54 - 67 = 5 pointit

Atuartut 68 - 81 = 6 pointit

Atuartut 82 - 95 = 7 pointit.

Kapitali 2.

Tjenestemandit

Atuarfimmi piareersarfusumi ilinniartitsisut

§ 5. Kommunit atuarfini atuarfimmi piareersarfusumi atuartitsinissaq eqqarsaatigalugu, atuarfimmi piareersarfusumi ilinniartitsisut atorfiit amerlassusilersorneqartassapput, atuarfimmi piareersarfusumi sap. akunneranut ilinniartitsisut skemami tiimiisa amerlassusiisa tamarmik 100%-ii kiisalu 2. aamma 3. klassini sap. akunneranut ilinniartitsisut skemami tiimiisa tamarmik 20%-ii tunngavigalugit.

Imm. 2. Atuarfimmi piareersarfusumi ilinniartitsisut amerlassusissaat aalajangersarneqartassaaq, taamatut tiimissatut naatsorsuutigineqartut 27-inngorneri tamaasa ilinniartitsisoq ataasiutittarlugu. Atorfiit amerlassusii killilerneqarsinnaapput atuarfimmi ataatsimi skemami tiimissani 27-nik tiimeqarsinnaasunut.

Imm. 3. 2. aamma 3. klassini tiimit *imm. 1* malillugu naatsorsorneqartut atuarfimmi piareersarfusumi ilinniartitsisunik inuttalerneqarsinnaanngitsut, ilinniartitsisunik/ilinniartitsisuunernik atorfnitsitsinissat naatsorsornerannut tunngavigisamut ilanngunneqassapput.

Ilinniartitsisut/ilinniartitsisuunerit

§ 6. Kommunit atuarfini ilinniartitsisutut/ ilinniartitsisuunertut atorfiit amerlassusilerneqartassapput tiimit amerlassusii makku tunngavigalugit:

1) 4. - 12. klassini sap. akunneranut ilinniartitsisut tiimii tamaasa, taakkununga ilanngullugit immikkut atuartitsineq kiisalu sunngiffimmi atuartitsineri tiimit atuartitsiffusut, meeqqat atuarfiat pillugu Inatsisartut peqqussutaanni § 4 malillugu ilinniartitsisut pinngitsooratik tiimerisassaasa iluanni ilinniartitsisunut isumagisassanngortinneqartut.

2) 2. aamma 3. klassini ilinniartitsisut skemami tiimiisa tamarmik amerlassusiisa 80%-ii.

3) Malittarisassat atuuttut naapertorlugit tiiminut ilassutit, kisiannili viceskoleinspektørit, skoleinspektørit, atuarfeqarfinni pisortat kiisalu fritidsinspektørit perorsaanermut atatil-lugu/ingerlatsineri tiimiinut ilassutigisaat pinnagit.

4) Atorfilittut suliffik sivikillisaq, meeqqat atuarfianni ilinniartitsisunut ukioq atuarfusoq tamaat atuuttussamik akuersissutigineqarsimasoq aamma tiimit, atuarfinni/ilinniarfinni allatut iluseqartuni

suliffeqarfinniluunniit sulinerup malitsigisaanik tiiminik ikilisaanikkut pissarsiarineqartut, Kultureqarnermut, Ilinniartitaanermut Ilageeqarnermullu Pisortaqaqfimmit immikkut isumaqatigiissuteqarsimaneq tassanngaannilluunniit akuersissuteqarneq naapertorlugit pissarsiarineqartut.

5) § 5 naapertorlugu 2. aamma 3. klassini tiimit atuarfimmi piareersarfusumi ilinniartitsisunut isumagisassanngortinneqarnissaat periarfissaqartinneqanngitsut.

6) Tiimit atuartitsiviusut amerlassusii, atorfinnut imm. 3-mi taaneqartunut pinngitsoorani atuartitsiviusussaatinneqartut iluanni isumagisassanngortinneqartut, imm. 1-5 malillugit naatsorsuinermi tunngavigisanit ilanngaatineqassapput.

7) Tiimit qaangiuttoorfissatut neriorsuutigineqarsimasut imm. 1-5 malillugit naatsorsuinermi tunngavissanit ilanngaatineqassapput.

Imm. 2. Ilinniartitsisutut/ilinniartitsisuunertut atorfiit amerlassusii aalajangersarneqartassapput, taamatut tiimissatut naatsorsuutigineqartut 27-inngorneri tamaasa ilinniartitsisoq ataasiutittarlugu.

Imm. 3. Kommunini ilinniartitsisutut/ilinniartitsisuunertut tjenestemanditut atorfinnik ikinnerpaamik 30-inik inuttaliisimasuni ilinniartitsisutut/ilinniartitsisuunertut atorfimmik ataatsimik, aalajangersimasumik skemaqanngitsumik (aalajangersimasumik taartaasartoq), pilersitsisoqarsinnaavoq, tjenestemanditut atorfiit 30-it inuttalernerneqarneri tamaasa. Atorfinni ataasiakkaani tamani tiimit ilinniartitsisunut annerpaamik tallimanut agguarneqarsinnaapput, taamaaliortoqarpallu taartaalluni tiimitut skemamut inissinneqarsimasutut atuartitsiffusassallutik.

Viceskoleinspektørit

§ 7. Atuarfinni ikinnerpaamik 17-inik pointilinni imaluunniit 280-inik atuartulinni imaluunniit atuarfeqaqfimmi pisortaajutigisumik skoleinspektøreqartuni viceskoleinspektøritut atorfimmik pilersitsisoqassaaq.

Imm. 2. Atuarfinni atuarfeqaqfimmi pisortaajutigisumik skoleinspektøreqartuni viceskoleinspektøritut atorfik ataaseq alla aamma pilersinneqassaaq, atuarfik ikinnerpaamik 35-inik pointeqarpat imaluunniit 520-nik atuartoqarpat.

Imm. 3. Atuarfinni, atuartunik 48-nik taakkualuunniit sinnerlugit najugaqarfigineqartunik, atuarfimmut atasunik atuartunut inissiaateqartuni, atorfiit imm. 1 - 2-mi taaneqartut saniatigut, viceskoleinspektøritut atorfik ataaseq pilersinneqassaaq.

Skoleinspektørit

§ 8. Atuarfinni ikinnerpaamik 8-nik pointeqartuni imaluunniit 95-inik atuartulinni skoleinspektøritut atorfimmik pilersitsisoqassaaq.

Imm. 2. Atuarfinnik nutaanik pilersitsinermi atuarfiup atulinnginnerani skoleinspektørimik atorfinitsitsisoqarsinnaavoq, klassit amerlassusaat naammaginartillugu, siusinnerpaamillli qaammatinik arfinilinnik sioqutitsisumik.

Atuarfeqaqfiit pisortaat

§ 9. Kommunini ataasiinnaanngitsunik, namminerisaminnik ingerlasunik atuarfeqaqfusuni, § 10-lu naapertorlugu skoledirektørimik atorfinitsitsinissamut tunngavissaqanngitsuni, qitiusumik atuarfimmi kommunimit toqqarneqartumi skoleinspektøriusooq atuarfeqaqfiup pisortaatut atorfinitsinneqarsinnaavoq.

Atuarfeqarfmp pisortaata kommunip meeqqat atuarfianik, sunngiffimmi sammisassaqaqtitsinermik, atuakkanik atorniartarfeqarnermik aamma kulturikkut qaammarsaanikkullu ingerlatsinermik aqutsinera isumagissavaa.

Skoledirektørit

§ 10. Kommunini ikinnerpaamik 5.000-inik inulinni imaluunniit 1.000-inik atuartulinni skoledirektørimik atorfinitsitsisoqarsinnaavoq. Skoledirektørip kommunip meeqqaat atuarfianik, sunngiffimmi sammisassaqaqtitsinermik, atuakkanik atorniartarfeqarnermik aamma kulturikkut qaammarsaanikkullu ingerlatsinermik aqutsinera isumagissavaa.

Fritidsinspektørit

§ 11. Kommunini ikinnerpaamik 1.500-nik inulinni fritidsinspektørimik atorfinitsitsisoqarsinnaavoq.
Imm. 2. Fritidsinspektørip tiimimut taptisaasa, malittarisassat atuuttut naapertorlugit naatsorsorneqarsimasut, fritidsinspektørinut tiimimut taptisartinneqartussat amerlanerpaaffissaattut atuuttut aalajangiunneqarsimasut sinnerpatigik, ilinniartitsisut ilaat perorsaanermi ikiortit atorfinitsinneqassaaq. Atorfinitsinneqarneq ukiut atuarfusut ataasiakkaarlugit atuutsinneqassaaq.
Imm. 3. Imm. 2 naapertorlugu tiiminut tapiliunneqartut sinneruttut 18-init amerlaneruppata, tiimit tapiliunneqartut sinneruttut 18-it aallartiffii tamaasa perorsaanermi ikiortit ataatsimik ilaneqassapput.

Kapitali 3.

Tjenestemandit ilaasa suliaasaat immikkut ittut

Skolelederit

§ 12. Atuarfinni 8-nik ikinnerusunik pointeqartuni imaluunniit 95-init ikinnerusunik atuortoqaqtuni atuarfimmi ilinniartitsisut/ilinniartitsisuunertut atorfeqartut ilaat skolelederinnegortinneqassaaq.

Fritidslederit

§ 13. Kommunini 1.500-t inorlugit inoqartuni qitiusumik atuarfimmi ilinniartitsisut ilaat fritidslederinnegortinneqarsinnaavoq.

Imm. 2. Nunaqarfimmi ikinnerpaamik 60-inik arfinilinniit 19-inut ukiulinnik meerartalinni inuusuttortalinnilu atuarfimmi ilinniartitsisut ilaat fritidslederinnegortinneqarsinnaavoq.

Imm. 3. Imm. 2 naapertorlugu nunaqarfimmi fritidslederinnegortitsiviunngitsuni suliaq skolelederimit isumagineqassaaq.

Ilinniartitsisut siunnersuisartut/atuartitsissutinik ilitsersuisartut

§ 14. Qitiusumik atuarfinni atuarfinnilu 120-it sinnerlugit atuartulinni atorfinitsinneqassapput,

1) atualeqqaarneq immikkullu atuartitsineq pillugit ilinniartitsisoq siunnersuisartoq, aamma

2) 7. - 12. klassit pillugit ilinniartitsisoq siunnersuisartoq.

Imm. 2. Ilinniartitsisut siunnersuisartut imm. 1-imi taaneqartut saniatigut atuarfinni 70-it sinnerlugit atuartulinni, atuartitsissutini aalajangersimasuni atuartitsissutiniluunniit ataatsimoortuni ilitsersuisussanik arlalinnik atorfinitsitsisoqassaaq.

Imm. 3. 7.-12. klassit pillugit ilinniartitsisumik siunnersuisartumik aammattaaq atorfinitsitsisoqassaaq

atuarfinni 120-it inorlugit atuartulinni 10.-12. klassimilu 12 sinnerlugit atuartoqartuni.

Imm. 4. Ilinniartitsisut siunnersuisartut atuartitsisinillu ilitsersuisartut ukiumi atuarfusumi ataatsimi atasussatut atorfnitsinneqartassapput.

Atuarfinni bibliotekarit aamma atuarfinni bibliotekariunerit

§ 15. Atuarfinni ikinnerpaamik 6-inik pointilinni atuarfimmi ilinniartitsisut ilaat atuarfimmi bibliotekarit atorfinitinneqassaaq.

Imm. 2. Atuarfinni 20-nik imalunniit amerlanerusunik pointilinni aammattaaq atuarfimmi bibliotekarimut ikiortimik atorfnitsitsisoqarsinnaavoq.

Imm. 3. Qitiusumik atuarfimmi bibliotekariusoq atuarfimmi bibliotekariunertut atorfnitsinneqassaaq.

Imm. 4. Atuarfinni bibliotekarit imm. 1-imit 3-mut pineqartut ukiumi atuarfusumi ataatsimi atasussatut atorfnitsinneqartassapput.

Kapitali 4.

Timelærerinik allanillu tjenestemanditut atorfnitsitaanngitsunik atorfnitsitsisarneq

Timelærerit, ukioq naallugu taartaasartut aamma taartaasartut

§ 16. § 6, imm. 2 naapertorlugu naatsorsuereernerup kingornatigut tiimini sinneruttuni atuartitsinerup isumagineqarnissaanut timelærerinik atorfnitsitsisoqarsinnaavoq.

Imm. 2. Ilinniartitsisutut/ilinniartitsisuunertut atorfinni inuttalernerqarsinnaanngitsuni tiimit atuartitsivigineqarnissaasa isumagineqarnissaannut aammattaaq timelærerinik imaluunniit ukioq naallugu taartaasussanik atorfnitsitsisoqarsinnaavoq.

Imm. 3. Ilinniartitsisut ukioq atuarfusoq tamaat sulinngiffeqarsinnaanerat akuersissutigineqarsimappat, atuartitsinerup isumagineqarnissaanut timelærerinik imaluunniit ukioq naallugu taartaasussanik atorfnitsitsisoqarsinnaavoq.

Imm. 4. Ilinniartitsisut atuartitsisinnaanngikkallarnerini atuartisinerup isumagineqarnissaanut taartaasussanik atorfnitsitsisoqarsinnaavoq.

Isumaginninnermi perorsaasut aamma perorsaanermi ikiortit

§ 17. Isumaginninnermi perorsaasut aamma perorsaanermi ikiortit atorfnitsinneqarsinnaapput

1) atuartut innarluutillit ikiorserniarneranni suliassat isumagineqarnissaannut,

2) atuartunut inissiani aamma atuartunut angerlarsimaffinni nakkutilliinnermi suliassanut, aamma

3) sunngiffimmi angerlarsimaffinni, atuartut nakkutiginerannik suliqartinnerannillu isumaginniffusuni, ikiortitut, taartaasartoqarnermik aqqissuussinerni kingoraartitut imaluunniit atuarnepup ingerlanerani tiimini atuartitsiviunngitsuni assigisaannilu ikiortitut.

Kapitali 5.

Atortuulersitsineq il. il.

§ 18. Kultureqarnermut, ilinniartitaanermut ilageeqarnermullu Pisortaqarfik atorfiit nalunaarummi matumani amerlassusilikkat imarisassaasut pillugit aalajangersakkanik erseqqinnerusunik aalajangersaasinnaavoq.

§ 19. Nalunaarut atuuttuulissaaq 1. december 1997. Tamatumunnga peqatigitillugu Meeqqat atuarfianni tjenestemanditut atorfinnik il.il. amerlassusiliisarneq pillugu Namminersornerullutik Oqartussat nalunaarutaat nr. 31, 1. december 1992-imeersoq atorunnaarsinneqarpoq.

Namminersornerullutik Oqartussaat, 27. november 1997.

Konrad Steenholdt

/

Karl Kristian Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut